



Inatsisartuni ilaasortat, Knud Kristiansen, Siverth K. Heilmann, ATASSUT
/Maani

Pineqartoq: § 36, imm. 1 naapertorlugu apeqqummut nr. 2010-209-mut akissut

Asasakka Knud Kristiansen aamma Siverth K. Heilmann.

Aallarniutigalugu apeqqut saqqummiunneqartoq pillugu qujavunga, taannalu imatut nipeqarpoq:

Suliffeqarfinni allanilu pisortat pigisaanni isaarissat, elevatorit, assigisaallu innarluutilinnut naleqqussaaneq pillugu, Namminersorlutik Oqartussat Kommunillu suleqatigiinnerat sumut killippa?

Akissut: Inatsisartut 2008-mi upernaakkut ataatsimiinneranni aalajangerneqarpoq, *"Naalakkersuisut ... Kalaallit Nunaanni kommunit suleqatigalugit nassuiaammik saqqummiussissapput, tassanilu illoqarfinni utoqqaat illui, napparsimmaviit, atuarfii, ilinniartunut inissiat, kigutileriffiit, atuakkanik atorniartarfiit oqaluffiillu, ilinniarfiit il.il. innarluutilinnut isaarissanik qulakkeerisimangitsut isaarialiornissamut atuinissamullu periarfissinneqassapput."*

Pisortat illuutaasa tikikkuminassusiat eqqarsaatigalugu Inatsisartut peqqussutaanni takorloorneqartut allassimasullu naammassiniarlugit qanoq annertutigisumik amigaateqartoqarnerisoo pillugu paasisaqartoqarnissaa nassuiaammi siunertarineqarpoq.

Tamatumunnga atatillugu Namminersorlutik Oqartussat A/S Inissiaatileqatigiiffik INI-mut Namminersorlutik Oqartussat illuutaasa tikikkuminassusiinik misissuinerup aallartinneqarnissaa, tassanili inissiat pineqanngillat, ilanngullugit illuutini kommuninit namminerisamillu pigineqartuni ataasiakkaani isaarissat pineqaratik, kiisalu allannguutissatut siunnersuutini aningaasartuutissat takussutissianut agguarlugit eqikkarlugillu nalunaarusiornissaq pillugit isumaqatigiissusiortoqarpoq.

Nalunaarsukkat annertussusissaat marlunnut avinneqarput, taamaalillunilu illut Namminersorlutik Oqartussanit pigineqartut kiisalu illut Namminersorlutik Oqartussat ingerlatseqatigiiffiinit pigineqartut annertussusaat tamakkerlutik misissuiffigineqarput, tassalu nunamiit illunut isaarissat, illut iluanni init quleriit tamarmik tikiinneqarsinnaasut, kiisalu perusuersartarfinnut innarluutilinnut naleqquttunut isaarissat misissuiffigineqarlutik.

Misissuinerup inerneru qanittukut Inatsisartuni ilaasortanut agguanneqassamaarput.

19. oktober 2010

Suliaq nr. 2010-039700

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Neriuppunga tamatumuunakkut suliaq paasiumarnerulersissimassallugu, aammalu paasissutisseeqqinnissamut piareersimavunga.

Inussiarnersumik inuulluaqqusillunga

Jens B. Frederiksen